


Oder mach das .k. also/erstlich laß den auffrechten zug vnd den oberen dünnen ortzug bleyben wie sie vor sind/allein dem dünnen zug laß oben innen ein eck an der lini.a..b aber aussen gegen dem .b. schweyff in auß wie vor/ Darnach zeuch den breyten ortstrich auß dem eck den da schleust der auffrecht breyt zug vnd die zwerchlini .e.f. herab auff die zwerch.c.d. also das zwischen dem.d. vnd ende des zuges breyten ler bleyb/vnd das inner eck laß bleyben/aber gegen dem.d. schweyff in ein wenig auß Wie das hernach ist auffgerissen.




Vn das .l. mach auß zweyerley vorgemelten buchstaben zusammen gesetzt/nemlich mach den auffrechten breyten zug/wie foren das .i. beschriben ist /daran setz vnden den fuß von dem vorgemachten.e. also ist das nachfolget.l. auffgerissen.



Das .m. mach zweyerley weis in sein fierung.a.c.d. Erstlich zeuch des buchstaben schmalen auffrechten strich hinder.a.c. ein zehen teyl von der leng.a.b. Darnach mach den anderen breyten zug ein zehen teyl von der leng.a.b. vor der seitten.b.d. also das sie oben vnd vnden in der fierung anrären.Darnach teyl zwischen den zweyen zügen des buchstaben die lini.c.d. mit einem puncten.e. in der mitte von einander/vnd reiß ein breyten zug auß dem förderen oberen eck des dünnen zuges vnden in den puncten .e. Darnach zeuch den dünnen zug von dem.e. wider oberlich biß in das förder eck des breyten auffrechten zuges/vnd die inneren oberm eck/ der zug des buchstaben schweyff nit auß/ aber außwendig/ des gleichen vnden die zwey auffrechten züg schweyff auß beden seitten auß wie du in den fordern buchstaben berichte bist. Merck auch so man dise buchstaben mit der federn schreibe das man sie in einem zug sol machen/ aber vmb deinet willen dich zu vnderrichten ist diser bustab hernoch wie ob stet auffgerissen.

Die ander meynung/teyl die seitten der fierung .a. b in sechs gleiche feld/vnd schneid die euffern zwey feld auß beden seitten mit zweyen puncten.f.g. ab von dañen/zeuch den inneren breyten zug mit dem spiz zu dem puncten.e. wie vor/vñ von dann zeuch den dünnen zug wider oberlich /also das zwischen.f.g. ein leer feld bleib/ so leynt sich der bustab weiter auß/ Darnach laß die zwey seite enstrich den förderen dünnen vnd hinderen breyten oben sten wie vor/ aber vnden ruck sie bede in die zwey eck.c.d. Darnach mach die ausschweyffung wie du in dem oberm .m. berichte bist/aber die außschwefungen ober dretten vnden die fierung pep.d.c.

Oder mach das .m. oben von scharpffen ecken/ so leynt sich die seittenstrich neher zusamen/ oder schneid die strich oben stumpff ab /welches dir dann am basten gefelt das brauch/ wie du das hernach außgerissen siehest.



Zem das .n. mach in sein fierung also/ zum ersten zeuch die zwey dünnen auffrechten züg das sie oben vñ vnden die fierung rären/vñ was ire ausschweyffung an dem förderen zug vnden vnd an dem hindren oben die eck.c.b. reychen/ Darnach zeuch mit einem breyten zug die zwey dünnen züg ober ort zusamen aus dem winkel.a. biß in den puncten .e. dar mit der dün zug hindre gemerckt ist/da laß ein scharpff eck bleyben/aber oben schweyff den breyten zug vor dem eck.a. hinaus ein fünfteyl von der lenge.a.b. dise ausschweyffung soll ein fünfteyl von der lenge.a.b. vnderlich gekrümpft werden/ mit zweyerley zirkellinien gemacht/ oben mit einer kleinz vnden mit einer grösseren/ zu des kleineren cirkels Diameter/mym von der leng.a.b. ein fünfteyl/ vnd setz das centrum außserhalb der fierung/ also das dise dz ende der ausschweyffung/vñ das eck.a. peyde reychen/ Darnach thy den cirkel ein wenig weyter auff/ vnd verruck das centrum biß das die cirkellini räre das ende der ausschweyffung/vñ den breyten ortstrich des buchstaben mitten zwischen der seitten.a.c. vnd des förderen dünnen zuges.

Oder mach das .n. das sein obre fördre ausschweyffung innerhalb der fierung bleyb/ oder mach ein scharpff eck daraus. wie das hernach ist auffgerissen.